

Justine John L. Delima

Titulo: Created by.

Paksa: Pamilya at Pangarap

Tema: Huwag mong angkinin ang hindi sa'yo, huwag kang magnanakaw.

Pangunahing Tauhan:

- Kyle Perez, 19 na taong gulang na sa kursong Communication sa UP Visayas. Nangangarap maging sikat na manunulat at direktor sa Pelikula.
- Arnold Chaves, 47 na taong gulang na, isang kilalang direktor, manunulat at prodyuser sa pelikula at telebisyon. May-ari ng Original Ideas entertainment.
- Thelma, nanay ni Kyle at isang mananahi.

Panahon at Lugar: Patapos na ang huling semestre sa UP Visayas, Probinsya, at Metro Manila

Uri ng Drama: Social Drama

Si Kyle Perez ay 18 na taong gulang na at pang-apat sa walong magkakapatid. Laking probinsya si Kyle sa Miagao, Iloilo at freshman sa UP Visayas sa kursong BA Communication and Media Studies. Sampung taong gulang pa lang s'ya ay hilig na n'ya ang mag-sulat at nung hayskul sya ay lagi siyang ipinanglalaban ng kanilang paaralan sa mga patimpalak na may kaugnayan sa pagsulat, hindi na nga mabilang ang mga medalyang natamo ni Kyle. Sa husay din nito sa pagsusulat ay nagwawagi ito sa mga patimpalak sa kanilang siyudad at probinsya, ang mga napapanalunan nya ay kanyang ibinibigay sa kanyang nanay.

Ang nanay ni Kyle ay isang mananahi ng damit sa kanilang barangay at ang kanyang tatay naman ay may malalang sakit na *Tuberculosis* at nahihirapan sila dahil sa mga *maintenance* na gamut nito kaya ito ang naging dahilan n'ya para mangarap sya na maging isang sikat at kilalang director at manunulat balang araw sa Maynila, Para ma-i-ahon ang kanyang pamilya sa hirap.

Habang tumutulong si Kyle sa kanyang ina sa paggupit ng mga tela ay narinig nya ang boses ni Mr. Chaves sa radyo na naghahanap ng mga batang manunulat para sa kanilang gagawing mga pelikula sa Original Ideas entertainment kaya naman si Aleng Thelma na kanyang nanay ay agad na sinabihan si Kyle na sumubok ito magpasa ng kanyang mga kuwento at baka ito'y maging tulay na ng kanyang pangarap. Agad lumabas ng bahay si Kyle at pumunta sa isang computer shop at agad na hinanap ang pangalan ni Mr. Chaves sa facebook at nakita nya na ito pala ay sikat na Direktor, manunulat at prodyuser sa pelikula at telebisyon. Nakita rin nya na may-ari ito ng kilalang produksyon sa Maynila na Original Ideas entertainment.

Marami nang nasulat na kuwento si Kyle at hindi nya na nga mabilang sa kanyang mga daliri kung ilan na ang kanyang mga nagawa. Pinili nya ang kwentong “3Sam” na kanya pang sinulat nung sya’y 17 pa lang, malapit sa kanya at sa kaniyang mga magulang ang kuwentong “3Sam” dahil ang istorya nito ay hango sa pag-iibigan ng kanyang nanay at tatay nung sila’y mga binata at dalaga pa lang. Mataas ang kanyang kompyansa sa sarili na magagandahan ang Original Ideas entertainment sa gawa nya dahil ang kuwento nito ay kakaiba at wala pang ganitong kwento ang naipalabas pa.

Makalipas ang isang araw ay bumalik muli sya sa computer shop at pinuntahan agad ang Original Ideas entertainment fb page para magpasa ng kanyang gawa, Nakita nya na kailangan ipasa ang gawa nito sa email kaya agad nyang ini-mail ang gawa nya.

Lumipas ang ilang araw at linggo ay wala pa rin s’yang natatanggap na tawag mula sa Original Ideas Company entertainment kaya hindi na ito umasa na napili ang kanyang gawa at nagpatuloy na lang sya sa paggawa ng kanyang hilig sa pagsulat at pag-aaral.

Habang naghahapunan si Kyle kasama ang kanyang mga magulang at mga kapatid ay biglang may nagmessage sa kanyang selpon at nagsasabi na kung pwede ba sya tawagan ng ganu’ng oras at laking gulat nya na ang mensaheng ito ay mula sa Original Ideas entertainment. Agad na pumayag si Kyle na tawagan sya at sinabihan sya ni Malou na isang director din sa Original Ideas entertainment na nagustuhan daw ni Mr. Chaves ang kanyang gawa subalit nais nila na ang kwento ng “3Sam” ay aabot ng isa’t kalahating oras kaya agad na sinabi ni Kyle na papahabain nya ang kwento at agad itong ipapasa.

Nagpasa muli si Kyle ng revision ng kanyang kwento sa Original Ideas entertainment. Dumaan ang ilang araw, linggo at buwan ay wala na syang natanggap na mensahe o tawag mula kay Ms. Malou kaya inisip nya nalang na baka hindi nagustuhan ang pinasa nyang revision. Natapos ang buong semestre at wala pa ding update sa kanyang pinasang kuwento sa Original Ideas entertainment.

Bakasyon na, kaya naman tumutulong si Kyle sa kanyang nanay. Napadaan sya sa kanilang kapitbahay na may TV at sa hindi inaasahan ay nakita nya ang isang trailer ng isang pelikula na tugmang-tugma sa kanyang kuwento na pinasa sa Original Ideas Company. Nakita din nya na ang title ng trailer na ito ay “3Sam” at mas lalong nakaagaw ng pansin na ang may gawa ng pelikulang ay Original Ideas entertainment na ang direktor ay si Mr. Chaves. Agad-agad na nagpload sya at tinawagan si Ms. Malou at sinabihan na gawa nya ang “3Sam” at wala silang sinabi nagagamitin ito, habang nasa kalagitnaan ng pag-uusap ang dalawa ay agad sumingit si Mr. Chaves at sinabi na hindi kwento ni Kyle iyon at sariling gawa nya ang istoryang “3Sam”. Napaiyak si Kyle at hindi alam kung ano ang kanyang gagawin kaya naisipan nya na magpost sa kanyang facebook account at sinabi nya ang katotohan na sa kanya ang istoryang iyon at ipinakita din nya ang mga ini-mail nya sa Original Ideas Company entertainment. Matapos ang pagpost ni Kyle ay nagbigay ingay ito sa social media at ang ilan ay kumakampi kay Kyle subalit mas marami ang kumakampi kay Mr. Chaves, maraming negatibo pa ang natanggap nya mula sa mga tao at sinabihan pa ito na mukhang pera at gumagawa lang ng kwento para sumikat ito.

Mataas na tao si Mr. Chaves at malaking Kompanya rin ang Original Ideas entertainment kaya tumungo nalang si Kyle sa Maynila dahil may mga iilang tumulong sa kanya at nagbigay ng pamasahe. Sa Maynila, nakitulyo si Kyle sa kanyang tita na kapatid ng kanyang nanay, mahirap lang din ito at walang trabaho. Hindi na sila naghintay ng ilang at agad na silang tumungo sa Original Ideas entertainment office na nasa Quezon Ave.

Hindi sila pinapasok ng guard hanggang nagpumilit si Kyle na pumasok sa loob ng building at nakapasok ito. Nakita nya na busy ang buong building at nagtanong kung saan ang office ni Mr. Chaves at natuntun nya ito. Pumasok sya at agad nagpapakila subalit dumating na din ang mga guard at agad itong hinila palabas subalit pinigilan ni Mr. Chaves ang mga guard at pinalabas ang mga ito. Naiwan sa loob ng opisina si Kyle at si Mr. Chaves. Nagpakilala si Kyle at sinabi nito na sya ang nakausap nito sa selpon at sya ang may orihinal na gumawa ng “3Sam” subalit pinagtawan lang sya at sinabihan na babayaran nalang sya ng sampung libo kapalit ng kanyang istorya subalit hindi nya ito tinanggap at umalis nalang at sinabihan na magsasampa ito ng kaso laban sa kompanya at kay Mr. Chaves.

Kinagabihan matapos ang pagsugod ni Kyle sa opisina ni Mr. Chaves ay agad pinag-isipan nya na kunin nalang ang pera dahil kailangan nila ito para sa mga gamut ng kanyang tatay na may Tuberculosis. Nagdisisyon si Kyle na kunin nalang ang pera dahil alam nya na wala syang laban kay Mr. Chaves at hindi naman naniniwala ang mga tao sa kaniya.

Pumunta si Mr. Chaves sa bahay na tinutuluyan ni Kyle sa Maynila at pinapasok sya sa sasakyan nito. Sinabihan si Kyle na huwag sasabihin sa iba na gawa nya ang kwentong “3Sam” at may pinapirmahan si Mr. Chaves na mga dokumento kay Kyle at sinabihan na dadagdagan nya ng limang libo kapag ito’y pumirma. Hindi sana papayag si Kyle pero kailangan nya ng pera dahil sa tatay nya. Agad na lumabas si Kyle sa sasakyan at dala ang labing-limang libo.

Pabalik na sya sa probinsya. Nasa bus na si Kyle at nakita nya ang bagong trailer ng “3Sam” sa TV sa loob ng sinasakyang bus at nakita nya sa dulo ang “Written and Directed by Arnold Chaves” napaiyak nalang sya ng makita nya ito, sabay tingin sa labas ng bus. Sa kalagitnaan nang kanyang biyahe ay tumawag ang kanyang ate at sinabi na pumanaw na ang kanilang tatay dahil hindi na nito kinaya ang sakit. Napaiyak muli si Kyle habang hawak ang pera na galing kay Mr. Chaves.

Makalipas ang ilang buwan, habang tumutulong si Kyle sa kanyang nanay sa pagtabas ng tela ay narinig nya ang isang showbiz balita sa radyo na ang pelikulang “3Sam” ni Mr. Chaves ay nakakuha ng maraming parangal sa loob at labas ng bansa at nanalo ng original screenplay, best story, at best film at kumita rin ang pelikula ng mahigit 200 milyon pesos dahil sa kakaibang kwento nito.